



太常紀要序

國家肇造區夏

神聖相傳頌謨烈而善繼述近百年於
斯矣我

太祖開天定業首崇祀典

太宗踵事增華駸駸具舉以啟

興朝之盛



世祖統一寰瀛削平禍亂建萬世不拔之
基升中告虔之始瑞應禎符昭假
垂象爰是謹明禋隆裸獻損益前
禮更定樂章制作明備固已度越
往古我

皇上承

三聖之後兩地參天希堯邁舜武功文德

手致太平吏擇民安心勤宵旰其
所以敬

天法

祖一本有嚴有翼之衷四十餘年如一日
而於祀典審因革酌煩簡盡善盡
美洽神人而光四表悉本

睿裁載在秩宗太常者粲然可稽蓋秩

宗掌一代典禮總三千三百之洪
織太常設官則專司祀事所掌亦
綦重矣舊有太常攷及續攷諸本
備載有明之制

本朝準古今聿昭法守然至今尙無
成書或由事例散著會典

詔諭奏議詳見

實錄考訂會粹編輯爲難竊思禮樂百年
後興今適逢其際揆諸歷朝自燎
柴瘞埋迎日配月戊祭皮懸浮沉
布磔類禡雩禘之異其尙七廟九
廟同堂異室之異其規法施勤事
定國捍患禦災之異其宜惟聖人
爲能饗帝惟孝子爲能饗親禮之

大者孰踰於是往不具論明洪武
初仍泰壇泰折之分祭未幾而合
祭天地配位從祀列壇壝者凡
二十有四迨嘉靖中從言官夏言
之議罷合祀而分建南北郊更
太廟祧享而法古九廟之置從史
官廖道南之請也旣而仍爲同堂異

室以及各壇廟之祭罔不釐正而
祀禮不免太煩觀嘉靖祀典君子
不能無數之議焉故曰禮行於郊
而百神受職禮行於社而百貨可
極禮行於祖廟而孝慈服禮行於
五祀而正法則合諸天道不數不
疏盡物盡志祭之心禮之大也我

皇上久道化成時豐德濡於三重十倫
之義精誠靡有弗周以格幽明而
協上下凌百王垂奕禩猗歟盛哉
臣 繁昔守光祿獲與駿奔目覩禮
樂之明備無由詳爲參考及濫清
卿乃與同官禮部侍郎兼太常寺
卿今晉大學士臣 哈納太常寺卿

臣 書少卿 臣 爾齊 臣 世爵寺丞 臣

圖 臣 爾賽朝夕講求乃隨事橐筆
以當今事宜爲斷而摺拾載籍旁
摭舊聞以前代或舉或廢可備參
考者系本文之後

天縱首出實維

帝眷制作因心

綸綍是煥自順治甲申迄今壬午
上諭備鈔列祀訓爲第一博采衆論爰
諮在廷百爾聞見仰佐高深凡會
議條奏
允行者爲祀議次之成憲式昭祀典爲
大會通斯極率由寡過開國以
來著令甲者爲祀例次之

圜丘蒼陽大享祈穀亦朔合祀監古綏福
故祀禮首

天壇焉

方澤厚載事等慈母海若爲霖效順恐後
故次

地壇而以四海望祭附之赫赫
列祖御宇乘乾時享大裕億萬斯年故

太廟次之

寢園王氣靈瑞所鍾末言孝思卜曆無窮
故

陵寢次之大社大稷報厥功德日月代明
靡愆靡忒故社稷朝日夕月次之
洪濛旣闢真人代興聖主良臣薪
傳薦馨故歷代帝王洎帝師王師

聖師次之 大成至聖萬世師表
繼往開來統垂性道故 孔子次
之厥初生民食爲所天禮垂耕藉
幽風遺焉故先農次之太歲神祇
祭肇自明相沿有舉受祉迓恒故
太歲神祇次之醫師濟世北極靈
佑離德嚮明愠解財阜漢壽聲靈

塞乎兩間周禮司民默秉化權炮
神之祭卽古旗纛土工有祠因時
所造武壯恪僖展矣報功凡茲歲
享品儀攸崇故三皇諸祀又次之
致用有經名物孔煩爲官爲役各
有司存故以祀賦祀官終焉凡次
一十五卷曰太常紀要蓋以筆臣

繫職守之所見所知大要而已敢
言備

聖代掌故乎哉

皇清康熙四十一年歲次壬午夏六月
上浣光祿大夫太常寺卿加五級
臣江蘩拜手敬書



太常紀要卷一

祀訓

順治元年冬十月乙卯朔

上以定鼎燕京親詣

南郊告祭

天地卽

皇帝位祝文曰大清國天子臣廟諱敢昭告於

皇天

后土天下雖大帝鑒無私

光祿大夫太常寺卿加五級臣江縈



皇祖寵膺

天命肇造東土建立丕基及

皇考開國承家恢弘大業臣以渺躬續有鴻緒值明祚將終
奸雄蠡起以致生靈塗炭中國無主臣欽承

祖宗功德倚任親賢爰整六師救民水火掃除暴虐內外同
心僉望臣來集厥勛業因茲定鼎燕京以綏中國
臣工衆庶僉云神助不可違輿情不可負宜登大
位表正萬邦臣祇荷

天眷以順民情於本年十月初一日告

天卽位國號大清建元仍順治伏惟

天地佑助早靖禍亂載戢干戈九州悉平登進仁壽俾我大

清皇圖永固爲此祈禱伏惟歆饗 遣固山額真

宗室拜尹圖告祭

太廟遣固山額真阿山告祭

太社

太稷 頒時憲曆

順治元年冬十一月丁未冬至大祀

天於

圜丘

順治五年冬十一月乙丑以奉

太祖配

天

四祖入

廟遣官祭告祝文曰維順治五年歲次戊子十一月辛酉朔

越五日乙丑嗣天子臣廟諱敢昭告於

皇天上帝曰升中大典禮重配

天世德延休情殷尊

祖恭於順治五年十一月朔八日冬至祀

天於南郊奉

太祖武皇帝配謹遡推源本追崇

太祖以上四世

高祖澤王為肇祖原皇帝

高祖妣為原皇后

曾祖慶王為興祖直皇帝

曾祖妣為直皇后

祖昌王為景祖翼皇帝

祖妣為翼皇后

考福王為顯祖宣皇帝

妣為宣皇后聿成大典敷布多方備此明禋預申虔告

方澤

太廟

社稷文同

順治五年冬十一月戊辰冬至祀

天於

圜丘奉

太祖武皇帝配享文曰維順治五年歲次戊子十一月辛酉

朔越八日戊辰嗣天子臣廟諱敢昭告於

皇天上帝曰今屆長至陽氣初復謹遵典禮率羣臣虔奉玉

帛犧牲粢盛庶品敬薦

皇天上帝恭奉

太祖承天廣運聖德神功肇紀立極仁孝武皇帝配惟歆享

之追尊

四祖考為皇帝

四祖妣為皇后

上親詣

太廟致祭文曰維順治五年歲次戊子十一月辛酉朔越八

日戊辰孝孫嗣皇帝廟諱敢昭告曰受命一統之

模道隆尊

祖推

祖自出之本義重格

天惟世德以作求當肇稱而上祀恭惟

太祖以上四世

高

曾

祖

考鍾祥毓瑞長發純禧創業貽謀久膺篤祐謹尊

高祖澤王為肇祖原皇帝

高祖妣為原皇后

曾祖慶王為興祖直皇帝

曾祖妣為直皇后

祖昌王為景祖翼皇帝

祖妣為翼皇后

考福王為顯祖宣皇帝

妣為宣皇后伏惟

神聖鑒此孝思謹告

順治九年九月二十二日

上臨雍行釋奠禮次日祭酒率領學官監生進表頌

勅諭一道刊刻懸彝倫中堂勅曰

皇帝勅諭國子監祭酒司業等官聖人之道如日中天

資之以圖治下學之以事君爾等當嚴督諸生盡

心訓誨諸生當敬奉師教身體力行教有成效時
惟師長之功學有實用方盡弟子之職若訓導不
嚴怠肆失學爾師生俱難免咎尚其勉之故諭

順治十二年冬十一月乙巳諭禮部曰

郊祀大典朕自卽位以來必誠必敬間有遣代亦必如禮致
齋今二十五日冬至祀

天已於十九日遣額爾克代青恭代但因駐蹕南苑致齋日
期爾部未經題明內院諸臣亦未奏知偶失記憶
忽然猛省不勝悚惕朕爲

天之子昭事當虔既有疎忽何敢自隱卽選擇吉日祇申祭

告爾部遵諭奏行

順治十三年六月甲辰諭禮部曰致祭

天地

太廟

社稷不可不虔嗣後凡祭

圓丘

方澤朕於五鼓出宮祭

太廟

社稷於黎明出宮爾部永著爲例先期一日奏明

順治十三年十二月戊戌諭禮部曰朕考往代典制

歲時致享必於

太廟至於晨昏謁見節序告虔朔望薦新生辰忌辰行禮等事皆另建有

奉先殿今制度未備孝思莫伸朕心歉然爾部卽察明舊典

來奏

覆奏詳載
第二卷

順治十四年二月戊寅諭禮部曰禮莫重於事

天孝莫大於尊

親朕纘承鴻緒恪修祀典每歲

郊祀皆奉

太祖武皇帝配享今思

太祖受命

上天肇興帝業

太宗繼志述事丕振皇猷功德並隆咸宜崇祀以後冬至祈

穀祭

天俱奉

太宗同

太祖配享夏至祭

地俱奉

太祖

太宗配享著爲定制其應行儀節爾部卽詳議具奏 又諭

曰人君事

天如子事父宜酌典禮用抒悃誠今

太廟外別建

奉先殿不時祭享而郊祀

上帝僅歲一舉行於朕昭事之心尚有未盡茲欲禁城中卜

地營建

上帝殿宇歲序令節時展明禋俱奉

太祖

太宗配享庶敬

天事

先大禮始備爾部卽詳議致祭時日儀節來奏

覆疏詳載
第二卷

順治十四年十一月乙巳諭禮部曰祭祀關國家大

典應用樂器尤所以感格神明必精美完好始足

肅將誠悃朕觀近來各壇廟所用其中尚有敝壞

非朕祇事

天地

祖宗

社稷及致敬告古帝王聖賢之意爾部卽詳行察驗應加

修整者節次開列奏請以便自內修理換給

順治十五年春正月丙午諭禮部曰祭祀關係大典

必供事人員通曉嫻熟始克肅將誠敬近見太常寺樂舞生聲容儀節多有未諳皆該衙門平日教演不精以致如此今後須責令勤加肄習務俾精通不得仍前玩忽爾部卽遵諭嚴行申飭

順治十五年春正月辛亥祈穀於

上帝

上行禮畢還宮謂大學士額色黑學士折庫納曰凡祭祀儀物音樂必盡善盡美始克展敬心今觀各處祭祀太常寺所奏樂聲容儀節俱未諧和樂音錯亂夫樂乃祭祀之典必聲容儀節盡合歌章始盡善

美其召太常寺官嚴飭之此後須責令勤加肄習毋致違忽

順治十七年春正月甲子諭禮部曰

天地

太廟

社稷前擇於本月十一日祭告爲期太近難以一日舉行今應

天壇一日

地壇一日

太廟

社稷壇同一日爾部卽另選吉日具奏

順治十七年春正月庚辰

上以文廟告成躬祭

先師孔子

順治十七年二月甲午諭禮部曰帝王奉

天子民禮隆禋祀享

帝大典所關尤重必儀物克備乃是昭對越之誠向來

郊祀惟冬至至用燔柴禮

祈穀壇未經舉行雖祀典原有等差而同為祀

上帝典禮不宜有異嗣後

祈穀壇俱行燔柴爾部卽傳諭遵行 又諭禮部曰帝王

父

天母

地禋祀大典務求備當朕稽考舊章洪武初原係孟春合祭

南郊至嘉靖年間始定分祭冬至祭

圓丘夏至祭

方澤春分祭

朝日秋分祭

夕月而合祭遂止朕思合祭之禮原以畢萃神祇普薦

馨香不宜竟廢今欲祇申昭事之誠修舉合祀典

禮除四郊仍舊外每年孟春合祭

天 地

日
月及諸神於

大享殿但禮闕重大爾部會同九卿科道詳議具奏

明洪武十年春感齋居陰雨覽京房災異之說定合祀禮上更撰樂章八月即園丘為大祀殿壇而屋之罷方丘十一月丁亥合祀於大祀殿上作大祀殿十二年正月壇成始合祀於大祀殿成行祀文並歌九章永樂十八年京師大祀殿成行禮如前儀嘉靖九年給事中夏言以分祀請詔博采公議主分祀者右都御史汪鋐等八十二人主分祀而以成憲及時絀為言者大學士張璁等八

十四人主分祀而以山川壇為方丘者尚書許纘等二十六人主合祀而不以分祀為非者尚書方獻夫等二百六人漫不可否者英國公張崙等一百九十八人內外大小臣咸得與焉從分祀議冬至大祀

天於 園丘夏至大祭
地於 方澤罷合祀
本朝 每年孟春合祭
天 地
日 月及諸神於 大享殿而 四郊仍舊誠典
禮之 盡善也 因附考前代之分合舉廢以見我
聖祖 制作之明備焉

順治十七年二月癸卯諭禮部曰

大享殿合祭典已定於孟春舉行今雖時序已過大典肇修

理應本年即舉爾部即擇期并應行典禮詳察速議具奏 又諭禮部曰向來孟春祈穀禮於

大享殿舉行今

大享殿合祭

地 天

日

月諸神以後所穀禮著於

園丘

順治十七年四月巳酉

上合祀

大享殿

康熙八年四月十五日

上臨雍行釋奠禮頒

勅諭一道刊刻彝倫中堂勅曰

皇帝勅諭國子監祭酒司業等官朕惟聖人之道高明廣

大昭垂萬世所以興道致治敦倫善俗莫能外也

朕纘承丕業文治誕敷景仰

先聖至德今行辟雍釋奠之典將以鼓舞人才宣布教

化爾監當嚴督諸生潛心肄業諸生亦宜身體力

行朝夕勤勵若學業成立可裨任用則教育有功

其或董率不嚴荒乃職業爾師生難辭厥咎尚其

勉之母忽故諭

康熙十年四月初七日奉

上諭諭禮部今已入夏亢暘不雨農事堪憂朕念切民生躬自刻責特頒嚴旨戒飭各官修省過愆祈求雨澤乃精誠未達霖雨尚稽晝夜焦勞不遑啟處茲朕虔誠齋戒躬詣

天壇祭告懇祈甘霖速降以拯民生爾部作速擇吉其祭告儀物卽行備辦欽此隨行欽天監擇日本月十一日辰時祈雨致祭

天壇所有齋戒官員俱戴雨纓涼帽

康熙十年八月初六日奉

上諭諭禮部朕仰體

世祖章皇帝遺志欲躬詣

太祖

太宗山陵展祭以告成功前命議政王貝勒大臣九卿科道等會議以各處多有災傷暫行停止今奉

太皇太后旨謂朕躬詣

山陵展祭告成關係大典卽宜舉行以盡孝思朕仰遵

慈命擬躬行謁

陵禮應行事宜及需用各項着各該衙門速行備辦爾部

即遵諭行

康熙十一年正月二十一日奉

旨耕藉着於二月二十日舉行是日

皇上行耕藉禮先致祭

先農壇未時耕藉

康熙十二年三月初八日奉

上諭諭工部看得

壇廟玉爵磁爵高低不一顏色各別爾部會同禮部將

壇廟爵盞看驗再將內庫存貯爵盞比看

康熙十二年八月十四日奉

上諭凡祭祀

壇廟禮儀關係重大

天壇係子時致祭凡

壇廟俱定有時辰此定例或係明朝所定或係何代所定

再朕躬在何官內齋戒交與禮部詳查明白具奏

覆疏詳載
第二卷

康熙十二年八月二十日奉

上諭諭禮部各

壇廟祭祀國家大典必儀文詳備允符禮制乃可肅將誠

敬昭格神明其致祭時辰齋戒處稽諸往代各有

定制爾部詳察典例酌議妥確具奏

康熙十二年十二月初五日大學士索額圖傳

旨

壇廟祭祀理宜虔致肅清今觀祭祀時執事之人過多殊為煩雜作何減去令肅清之處着

諭禮部太常寺衙門會同議奏

覆奏詳載第二卷

康熙十七年掌關防郎中古賽傳

上諭大小祭祀朔望所點黃蠟燭停止改點白蠟燭

康熙十八年九月十三日奉

上諭諭禮部前以地震示警朕恐懼修省夙夜靡寧遣官

虔告

郊廟乃精誠未達迄今時復震動未已朕心益用悚惕茲當

虔誠齋戒躬詣

天壇親行祈禱爾部卽擇期具議來奏

康熙十九年六月初六日大學士索額圖勒德洪明

珠李蔚杜立德馮溥學士噶爾圖希福李天馥奉

上諭此際仍然亢暘應交與禮部祈雨京城所有太歲風

雲雷雨嶽鎮海瀆之神及寺廟城隍之神大小青

龍之神遣官遍祭祈雨

康熙二十一年正月十七日

上諭禮部比年以來逆賊吳三桂背恩反叛擾亂地方仰荷

祖宗在天之靈默垂庇佑克奏蕩平應躬詣山陵展祭以告成功前初聞捷音卽謁

孝陵行禮茲奉

太皇太后慈諭

太祖

太宗山陵亦應親往祭告隨命議政王貝勒大臣等會議僉謂事關大典允宜舉行今擬卽謁

太祖

太宗山陵虔申昭告用展孝思應行事宜及需用各項着各該衙門速行備辦爾部卽遵諭行

康熙二十三年九月初八日奉

上諭朕今東巡應行祭禮着九卿詹事科道太常寺官員會議具奏

遣官致祭

四陵於康熙二十四年奉

上諭諭本寺竟取宗人府職名列請點用

康熙二十五年二月二十九日奉

上諭文華殿焚帛之處與屋簷相近遇大風甚是可虞爾

部會禮部太常寺議奏

文華殿東為傳心殿奉安皇帝王聖師位於殿內春

秋開講前一

日行奠告祭議得內地窄狹無可安置之處祭祀

預日將焚帛之爐移琉璃門外寬濶潔淨之處安

置焚帛畢仍移內地收貯奉

旨依議

康熙二十五年十一月十六日奉

上諭諭禮部朕惟敬

天奉

祖郊祀廟饗必精白厥心竭誠致慎庶幾有孚昭格用洽明

禋朕於祭祀

壇廟每躬詣行禮未嘗不齋明祇濯實圖感通凡從事於

祀典者皆宜表裏精誠虔盡職掌近見執事陪祀

各官間有因循怠忽視為具文不能盡志致慤其

効昭事之忱殊為非禮嗣後務俾各秉誠心克恭

祀事凡行禮儀節始終整肅毋得慢易用副朕敬

奉

天祖至意作何再加通飭永可遵行着九卿詹事科道會同

詳加確議具奏

康熙二十六年五月十六日奉

上諭近來尚早朕親詣

天壇虔誠祈禱禮部察例具奏

康熙二十六年五月二十四日奉

旨入夏以來亢旱不雨朕爲萬民請命躬率臣工虔誠祈禱甘霖隨降雖未甚霑足理應報謝以答

天庥該衙門卽擇期並開列應遣大臣職名具奏

康熙二十八年五月初六日奉

上諭論禮部時已仲夏雨澤未霑農事堪憂已經遣官於

太歲

天神

地祇諸壇祈求未應朕衷夙夜靡寧今特遣官於

天壇

地壇

社稷虔行禱祀爾部卽察例擇期來奏

康熙二十八年十二月二十二日奉

上諭朕意將

祈穀壇祝文欲行更改

祈穀壇歷代有致祭者有未致祭者輔政大臣時曾經停止朕以爲民祈歲始復行虔祀每年祀文俱用定式頻年以來米穀未甚收穫以致民生艱窘旣係專爲小民祈求豐稔應直抒情事另行擬寫着內

閣九卿詹事掌印不掌印科道官員會同詳議具奏

康熙三十二年二月十五日奉

上諭先年山東地方荒旱曾遣原任尚書蘇赫致祭泰山今年陝西地方雨澤雖有但從前屢遭荒旱華山陝西名山應遣大臣致祭爾等會同禮部議奏又奉

旨陝西地方連年遭罹旱災百姓殊爲困苦着令大阿哥前往致祭

康熙三十二年四月初三日敦桂桑格傳

上諭本月初六日致祭華山特爲民生致祭此一日着禁止屠宰

太常寺題於康熙三十八年正月初一日請

太廟後殿四位皇帝神牌祭於

奉先殿本年十二月三十日遣大臣一員告祭奉

上諭元旦諸臣俱集人衆煩擾請捧

神牌往來朕心殊覺未安着內閣會同內務府禮部太常寺考明代典禮議奏

康熙三十九年十一月十三日冬至祭暫安奉

殿遣三皇子致祭本寺隨卽啟奏素服祝文奉

旨照伊所封行嗣後朕躬及皇太子致祭爾部啟奏請
旨其已封皇子着照王等行不必另行請旨



